

هَبَّاش

عبششكور يا اخوانا واحد

م الجماعة الهباشين

جه لمصر عشان يهَلَّب

م العيال ٠٠

يا مدرسين

بقرش يدى ٠٠

بعشرة يدى

بس هاتوا يا محسنين

لو فى يوم راح يدى حصه

يطلب الأجر رغيفين

نُومَه جنب الحيطه

ماشى

بألف يدّى

بعشرة يدّى

كله حلو ٠٠ وكله زين

ساقية دايرة ولف فيها

تور ومعصوب العينين

والسنايك يدّهالك

ع الشمال

أو ع اليمين

راح تطير لو كنت حتى

شخص م النوع الرّزين

المهم عمل له حِسبه

واشترى ٠٠ قول فدائين

بس بخله صنف نادر

شوفوا بخله

رماه لفين

عششكور

كان عنده جزمه

لما دابت جت له أزمه

جزمه كحيانه وشرابه

من خرومه ماله لازمه

والبلوفر كان إشاعه

والهدوم ٠٠

ما بلاش إذاعة
المهم زميلته شافت
حالته قالت يا جماعه
فيه بلوفر هدهوله
والقساط مش كل ساعة

البلوفر رقية سبعة
لون وقور
ما في هوش خلاعه
عنها واستلم البلوفر
أكل جه وقت المجاعه
لما جات مره تطالبه
إبتدي أمور اللاكاعه

مره مش لآقي ومره
قال هاتنهشني السباعه
لو تلاقى ف جيبى ميلم
والله قدام الجماعه
وابتدت رحله عذابها
كل لحظه وكل ساعه

شوفتها قلت لها مره
والكلام كان فيه دعابه
اللي يدي لغيره حاجه
راح يضيع بين الديابه
لو في يوم
ماعرش ياخذ

حقه ٠٠ ماهي الدنيا غابه

عششكور راكب حمار

جاي من بدري يناديك

جايب العشرين جنيه

جاي يرفس م المسا

لحد الصباح

شايفه يا حلوه بعنيك

بيناديك

جايب العشرين جنيه

مش راح ألبس

رقبه سبعه

جاني بعد الجوعه شبعه

وهادف العشرين جنيه

ما نا بيه

مانا بيه من غير بلوفر

مانا بيه لو حتي حيلتي

حيلتي يا عالم

جنيه

حيلتي يا عالم جنيه !

١٩٩٧/٦/٥